


# Juanita ajkem y aj'achik' pa kiwi' ri utziläj taq b'anob'äl




Juana Riz

Tz'ib'anel: Ricardo Lima  
B'anöy Wachib'äl: Mayra Fong

Instituto de Lingüística  
Nimatijob'äl Rafael Landívar

*Ejemplar de archivo*

**Juanita ajkem y  
aj'achik' pa kiwi'  
ri utziläj taq  
b'anob'äl.**



**Juana Riz**

Molaj wuj:  
Tzob'aj wuj:  
Ruk'amöl b'ey molaj wuj:  
Elesanel wuj:  
B'anöy wachib'äl:  
Nuk'üy wachib'äl:  
Q'asanel pa kaqchikel ch'ab'äl:

Materiales Educativos No. 26  
Kaqchikel No. 2 Q'ataj: Literatura Infantil  
Guillermina Herrera Peña  
Ricardo Enrique Lima Soto  
Mayra E. Fong Rodríguez  
Rolando Chacach Catú  
Joel Tezagüic

***Pa rub'i' ri xti Angelito, pa rub'eyal rija' wejqalem  
jun ch'ajch'öj chuqa' utziläj na'oj; chuqa' pa ruwi'  
kina'oj ri ak'wala' cbi man jun etzelal kejqalen taq  
nq'ax pa kijolom ri rutzil ri k'aslemal.***

Ri xtaq tzijonem ri nya' apo pa ruq'a' ri sik'inel wuj wakamin, ruchajin ri uchuq'a', ri utziläj taq na'oj ri ya'öy ruq'ij ri utziläj taq ixoqi' pa kik'aslem, ri ketaman kik'wa'n rucholajem ri kik'aslem pa rub'eyal ri kisamaj pa kitinamit, ri utziläj taq na'oj chuqa' ri b'anob'äl je'.

Ri nurayb'ej re xtaq tzijonem re' chuqa' ri xtaq wachib'äl ri k'o chi rupam, ja ta ri nnimirisäx ruwäch ri jalajöj taq n'aoj k'o ruq'ij ri k'aslemal pa qajolom chuqa' ri kinojib'al ri xtaq ak'wala' aj Iximulew, richin ta kan nkichinaj ri pa kik'aslem re tzij re'—achi'el ri xtaq ak'wala' aj mayi'— chuqa' pa jun k'aslemal ri akuchi' ri jalajöj taq b'anob'äl ye'ajowäx junan kiq'ij ri e k'o pa qatinamital —achi'el ri xtaq kaxlan taq ak'wala'.

Ri etamab'äl pa ruwi' ronojel ri ruq'a' raqän ruchajin jun b'anob'äl, nuq'alajirisaj chi nq'ax pa qajolom ri rub'eyal ruk'aslem ri winäq chi ruwäch ri ruwach'ulew chuqa' ri utzil nqak'ül, nqil taq ütz nqak'wa'j qi' pa rub'eyal ri junamil.

Ricardo E. Lima S.



Tz'ib'anel: Ricardo Lima'  
B'anöy Wachib'äl: Mayra Fong

**Juanita**

**ajkem y aj'achik' pa  
kiwi' ri utziläj taq  
b'anob'äl.**



**P**a ruwi' el taq'aj pa Mak'a', nyik'lun konojel ri ch'umil y ri ik'. Villa de Zacualpa, ri rusaqil ri iglesia nq'alajin k'a pa jotöl chi rupam ri jun toq'a', pa rutinamital K'iche'.







Chi rupam ri rachoch a Manuel García y ri te'ej Petrona Hernández, man näj chi re ri tinita tinamit, kan janíla tik'asäs: yin, ri yin tiko'öl ral, ri xub'inib'aj Juana, ri xaläx ch'ajch'öj y ruchuq'ab'on, ri wakamin yinoq' woqan el nuway.

Ri ri' kaji' aj, utziläj q'ij rub'inib'an pa kajlab'al ri mayab' taq winäq K'iche'. Jun utziläj q'ij rejqalem, ke ri' kinojib'al kan ri ojer taq winaqi', ri xke'aläx pa ri q'ij ri', xa jun utziläj winäq y xtik'ase' k'iy juna' y xtisamäj pa ruwi' ri tinamit.

Taq xseqär pe, ri wach'alal xeb'iyin el Zacualpa, ja chi ri' xtiqasäx ya' pa kiwi'. Ri pa b'ey taq e b'enäq, ri chikopi' yeb'ixan achi'el ta ajun rije' nkik'ül apo ri Ajaw.





Jun ka'i' oxi' juna' yan chik, kik'in ri numi'al chi ruwa ri nute'; yin yito'on yan chik chi rub'anik ri q'utu'n y ruch'ajch'ojirisaxik ri jay. Ri nute' jukumaj nb'e pa samaj nuk'wa'j ronojel rusamajib'al qa ri' ruway nuk'wa'j ri nqab'an röj ixoqi'.

Taq nseqär pe yojel el rik'in ri nute' y e ka'i' numi'al, pa kemoj chi ruwäch ri qachoch. Yin yixuke' chi kixikin ri numi'al, xa pa kiwi' rije' k'o wi chi nkik'üt chi nuwäch ri kemoj, man kan ta e k'ayew rub'anik, xa taq xoq'öp, su't, pas, ruq ak'wal.

Chi nuwa yin achi'el jun etz'anem, ri b'atz'in b'ätz' ja ri ri yalan xqa chi nuwäch; chuqa' ninsöl ri b'ätz' chi rij ri solb'äl b'ätz' y nb'eruk'olochij ri pa nuq'a' y kan janíla ütz xintz'et ja taq nusururej ri rusolb'al b'ätz', noqa pa nuk'u'x ri etz'ab'äl yek'oje' pa nimaq'ij.



Jun tqaq'ij xub'ij ri nute' chi we chi yitikir chik yenyuq'uj jun b'olaj karne'l:

*—Juanita, —xub'ij ri nutata' chi we—, wakamin k'a yayuq'uj k'a ri qakarne'l.*

*—Ütz qatata' —xinb'ij chi re yin.*

Ri kina'oj ri mayab' taq winäq janíla nk'atzin pa qawi' röj roma ri' röj ak'walaxela' chöj nqab'än ri nkib'ij qate' qatata'; kan ja k'a q'ij ri xinchäp el b'ey pa taq latz' juyu', nuk'wa'n el ri nukäm yin, yikemon taq ri karnela' yeq'osoman. Xinwetamaj kiwäch konojel ri karnela', ke chuqa' ri' xinyala' kib'i' y yinetz'an kik'in.

Ke ri' xinchäp kito'ik ri nute' chuqa' ri nutata' pa qachoch: ka'i' samaj ninb'än yikemon y yiyuq'un.



Ronojel ri oxik' ik' nqaqupij kob'ojal ri chikopi'. Yin yito'on apo rik'in kiximik kaqän. Ke ri k'a rija' nuchäp qa ri rusamaj rik'in ri qupb'äl, nuk'en el eqal ri kib'oqal ri chikopi', eqal eqal nqupin chi man yerusik' ri chikopi'.

Ke ri nqamöl k'iy chakäch chi b'o'j, yojb'e qa qonojel pa ruch'ajik pa raqän ya'. Ke ri' nqak'än kan ri xub', ruq'olil y xik'a'y e k'o chi rupam. Re jun samaj re' yalan ruchuq'ab'on y k'atzinel, wi man xtiqab'än ta ri samaj re' chi re, man ütz ta nel ri qab'atz' richin ri qakem, chuqa' man xtuk'ayij ta ri' richin qaway.



Xinok el jumül q'opoj ixöq, jeb'el yisamäj y ninwajo'  
ninwetamaj k'ak'a' taq samaj. Jun nimaq'a' taq yeyuq'ux ri karne'l,  
xoqa wik'in jun winäq, chuqa' rija' yeruyuq'uj jun tzob'aj chikopi'.





Taq xintz'et apo pa nunik'ajal xa ja ri' numama', taq xapon wik'in xub'ij chi we:

--Xseqär Juanita, ¿achike ab'anon wiý numam?

--Yin ütz táta matyox, y rat ¿achike ab'anon? --xinb'ij chi re rik'in ronojel kikotem.

--Numi'al, nink'utuj jun utzil chi awe --xub'ij ri numama' chi we.

--¿Achike k'a nawajo' táta?

--K'o k'a jun nutaqkil pa tinamit y ninwajo' chi ye'ayuq'uj kan re nukarne'l re jun q'ij re'. Taq xtiqaq'ij qa ye'aya' kan pa kikoral, tab'ana' utzil chi we.

Yalan xikikot y taq xiruya' kan y xintz'ub'aj el ruq'a'. Ke ri' k'a eqal eqal xbe el ri numama'.

Xqaq'ij k'a man jun achike ta xink'ulwachij. Xentzoliy k'a ri chikopi' pa tinamit y xeb'enya' kan pa kikoral. Xqaq'ij qa y ri numama' janita napon. Ke ri' nuyon xib'e chi wachoch.

Ri q'ij xqa yan qa chi rij ri juyu'. Xa chöj k'a ri ruq'aq'al ri kaj xk'utun ri nub'ey.



Egal e nuk'wa'n ri chikopi' pa taq q'ayis, taq achike la ch'ab'äl xinwak'axaj. Xinxib'ij k'a wi' y xitz'ojpin pa ya': xinna' chi ja ri q'ab'altz'um. Ri nute' rutzijon chi we chi e k'o xamanil nkipo' el ki' utiwa', karne'l... Re xamanil re' xkib'än etzelab'äl chi ke ri ayyuq'a', ajb'anöy si' y roma ri' nkixb'ij ki'. Rub'in k'a chi we, ja achi'a' re' kib'anon kan etzelab'äl taq mak y man nkajo' ta nkiya' kan ri ruwach'ulew. Xoqa k'a chi we chi man xinya' ta q'ij chi xok ri xib'inel pa wánima. Xintzeqej ri nuch'ami'y chi kay y yin xisik'in y xib'e jun anin... Ri nuch'ami'y xintzojtza' jun ti ch'utin ramaj, xinna' k'a chi xitikir yan xinya' kan chi wij.. Xinjiq'aj k'a ri wuxla' y xinchäp ri egal b'inen roma xitikir xink'owisaj ri xib'inel.

Xink'üt chi nuwäch chi yitikir ninto' wi' nuyon. Taq xinb'ij chi re ri nute' xutzeqej k'a ruq'a' roma kikotem chi xinik'o chi ruwäch ri jun etzelanel.


Ja k'a ri k'aslem xk'utun nusamaj chi nuwäch chi xenb'ana'



chawon taq samaj: su't, po't, perraje. Man kan ta choj nk'achoj chanin. Xintijoj na wi', nxim ri nuyuqb'al chi ruwa ri che' y chuqa' xinya' apo ri wejgab'al chi wij chi ninxim ri nukem, richin nurik' jeb'el ri', ri kan janíla k'ayew man nuyüch ri pa taq ruxkin, y rub'alixik, ri ruk'u'x, ruk'ir y ronojel ruchoko'y, ruya'ik ri k'ala' y ronojel ri rusamajb'al.

Rik'in ruq'ab'al ri samaj yatikir nachojmirisaj ronojel rub'anik ri kemoj: rajlaxik ri ruway y chuqa' nk'oje' pan ajolom janipe' ruwäch o rub'atz'il ri kem; ke ri' chuqa' nawetamaj ruwäch ri samajib'al ri nk'atzin chi rupam ri kemoj, ke chik k'a ri nawetamaj rajlaxik rub'anik, ruxolik y retz'ab'alul.

Xinok el jumül ixöq y xinnüt rupam ri wachoch. Rik'in kinojib'al ri ojer taq winäq, ri nute' rusujun ri k'ulub'ik chi we rik'in ruk'ajol jun achin achoq rik'in jeb'el qak'wa'n qi'. Ri ala'



rub'inib'an Juan. Chi öj ka'i' xqanimaj kitziq qate' qatata' richin yojk'ule'. Xa roma k'a re' k'ulanem re' xkik'ül ki' ka'i' jay jantape' chi kikotem.

Xqab'än k'a ri qachoch pa Chi Waq'al, chi rupam ri juyu' ri e k'o ri nute' nutata'. Chi ri' xeqak'iytisaj wo'o' ak'wala': María, Tomás, Pedro, Gregoria y Santos. Xinok k'a el wakamin jun k'atzinel winäq kichin kan ri aj K'iche'. Ri wal xketamaj kan ri nuch'ab'äl, ri qana'oj, ri qasamaj y ri qab'anik, ke chuqa' ri' ri qasamaj pa taq juyu'. Ke k'a ri' xketamaj kan rije' ri samaj nb'anatäj chi ruwach'ulew: Xa xtik'atzin apo richin ri kik'aslem, ke chuqa' ri' xink'üt kan chi kiwäch konojel ri qach'alal mayab' e k'o chi rupam ri qanimaläj tinamit Iximulew.

Xik'o jun ka'i' juna', xojel el Chi Waq'al, xojq'ax k'a Tunaja' chi runaqaj mas Zacualpa. Chi ri' k'a taq xinok jun utziläj winäq. E k'iy winäq yeb'in chi we chi yin xib'ejalon nik'aj kib'anikil ri winäq.






Chi ri' pa Tunaja', nab'ey man ketaman ta yekemon. Ri winäq chi ri' yesamäj chi rupam juley chik wi q'ab'aj taq samaj ketaman: chakäch, pach'u'n taq pop, xot chuqa' ulew taq läq. Ke k'a ri' xintz'ük chik k'a jun k'ak'a' k'aslem, eqal k'a xeb'e'apon ri winäq y ri ixoqi' mas e k'o wi.

Ri wal y yin yeqak'ül apo rik'in ronojel kikotem y yojtzijon kik'in. Röj öj tz'uyül chi ruxe' ri qakem. Ke k'a ri' ri winäq nkitz'et ri qasamaj nqab'än chi ruwajay, ke k'a ri xok jun nimaläj tijob'äl. Röj man jun xqak'ek'e'ej ta qi' chi ruk'utik ri qasamaj; ke ri' xeqab'ochi'ij richin xketamaj ta ri qasamaj röj.

Wakamin xa b'a akuchi' chi ruwa taq jay ri pa Tunaja' nb'an wi ri kemoj. Xe ke k'a ri' xketamaj kan konojel ri winäq ri rub'anik po't, xa ja k'a ri' xkikusaj ri ixoqi' aj Zacualpa. Re samaj re' xeruto' chi rupam ri k'ayewal chi rupam ri kachoch; wakamin nintz'et apo chi konojel nkib'än chik ri kitzyaq, ja ri je' yenojin qa ruxolik rupam ri kitzyaq, man xa k'a achike chik ta k'a tzyäq nkikusaj, yekikot yeb'e pa b'yajem, xa ke k'a ri' ützt'etela' ki'.





Wakamin k'o oxk'al waqi' nujuna',  
yin tz'uyül chi ruwäch rumujal ri  
wachoch, chöj silan yitzu'un apo, ninnojij  
janipe' b'anatajnäq rik'in nuq'a' y ronojel  
wajowaxik koma ri nuwinaq y ri  
nutinamit, roma ke re' rub'anikil jantape'  
ri k'aslemal.

